


92



隋書

卷之三

志第十七

隋書二十二

太尉楊州都督監修國史上柱國趙國公臣長孫無忌等奉
勅撰

五行上

易以八卦定吉凶則庖犧所以稱聖也書以九疇論休咎
則大禹所以爲明也春秋以災祥驗行事則仲尼所以垂
心也天道以星象示廢興則甘石所以先知也是以祥符
之兆可得而言妖訛之占所以徵驗夫神則陰陽不測天
則欲人遷善均乎影響殊致同歸漢時有伏生董仲舒京
房劉向之倫能言災異顧盼六經有足觀者劉向曰君道

得則和氣應休徵生君道違則乖氣應咎徵發夫天有七
曜地有五行五事愆違則天地見異况於日月星辰乎况
於水火金木土乎若宗武之降號伽藍齊文宣之盤遊帝
王陳則蔣山之鳥呼曰奈何周則陽武之魚乘空而鬪隋
鵲巢黼帳火炎門闕豈唯天道亦曰人妖則祥眚呈形
于何不至亦有脫略政教張羅罇糈信巫史重增愆罰
其懷王事神而秦兵逾進萇弘尚鬼而諸侯不來性者生
之靜也欲者心之使也置情攸往引類同歸雀乳於空城
之側鵲飛于鼎耳之上短長之制既曰由人黔隧崇山簡
車共軌必有神道裁成倚伏一則以爲殃豐一則以爲休
徵故曰德勝不祥而義厭不惠是以聖王常由德義消伏
災咎也

洪範五行傳曰木者東方威儀容貌也古者聖王垂則天
子穆穆諸侯皇皇登輿則有鸞和之節降車則有佩玉之
度田狩則有三驅之制飲食則有享獻之禮無事不出境
此容貌動作之得節所以順木氣也如人君違時令失威
儀田獵馳騁不友宮室飲食沉湎不顧禮制縱欲恣睢出
入無度多繇役以奪人時增賦稅以奪人財則木不曲直
○齊後主武平五年鄴城東青桐樹有如人狀京房易傳
曰王德衰下人將起則有木生爲人狀是時後主怠於國

政耽荒酒色威儀不肅馳騁無度大發絲竹盛脩宮室後
二歲而亡木不曲直之効也

七年宮中有樹大數圍夜半無故自拔齊以木德王無故
自拔亡國之應也其年齊亡

明皇八年四月幽州人家以白楊木懸竈上積十餘年忽
生三條皆長三尺餘甚鮮茂仁壽二年春蓋屋人以楊木
爲椽梁生三條長二尺京房易傳曰妃后有顛木仆反立
斷枯復生獨孤后專恣之應也

仁壽元年十月蘭州楊樹上松生高三尺六節十二枝宋
志曰松不改柯芟葉楊者危脆之木此永久之業將集危

亡之地也其時帝惑讒言幽廢太子嫡初立晉王爲皇太子
天戒曰皇太子不勝任永久之業將致危亡帝不悟及
帝崩太子立是爲煬帝竟以亡國

仁壽四年八月河間柳樹無故枯落既而花葉復生京房
易飛候曰木再榮國有大喪晉是歲宮車晏駕

洪範五行傳曰金者西方萬物成養氣之始也古之王
者興師動衆建立旗鼓以誅殘賊禁暴虐安天下殺伐必
應義以順金氣如人君樂侵陵好攻戰貪城邑之賂以輕
百姓之命人皆不安外內騷動則金不從革

陳禎明二年五月東冶鐵鑄有物赤色大如斗自天墜露

所隆隆有聲鐵飛破屋而四散燒人家時後主與隋雖結
和好遣兵度江掩襲城鎮將士勞弊府藏空竭東治者陳
人鑄兵之所鐵飛為變者金不從革之應天戒若曰陳國
小而兵弱當以和好為固無鑄兵而黷武以害百姓後主
不悟又遣偽將陳紀任蠻奴蕭摩訶數寇江北百姓不堪
其後及隋師度淮而三將降卒以滅亡

洪範五行傳曰火者南方陽光為明也人君向南面則象
也昔者聖帝明王負宸攝祿南面而聽斷天下攬海內之
雄俊積之於朝以續聰明推邪佞之偽臣投之于野以通
壅塞以順火氣夫不明之君惑於讒口白黑雜揉代相是
非衆邪並進人君疑惑棄法律間骨肉殺太子逐功臣以
尊代宗則火失其性

梁天監元年五月有盜入南北掖燒神武門總章觀時帝
初即位而火燒觀闕不祥之甚也既而太子薨皇孫不得
立及帝暮年惑於朱异之口果有侯景之亂宮室多被焚
燒天誠所以先見也

普通二年五月琬殿火延燒後宮三千餘間中大通元
年朱雀航華表災明年同泰寺災大同三年朱雀門災水
沴火也是時帝崇尚佛道宗廟牲牷皆以麩代之又委萬
乘之重數詣同泰寺捨身為奴令王公已下贖之初陽為

不許後爲嘿許方始還宮天誠若曰梁武爲國主不遵先王之法而淫於佛道橫多糜費將使其社稷不得血食也天數見變而帝不悟後竟以亡及江陵之敗闔城爲賤隸焉即捨身爲奴之應也

陳永定三年重雲殿災

東魏天平二年十一月閭闔門災是時齊神武作宰而大野拔斬樊子鵠以州來降神武聽讒而殺之司空元暉免逐功臣大臣之罰也

武定五年八月廣宗郡火燒數千家

後齊後主天統三年九龍殿災延燒西廊四年昭陽宣光

瑤華三殿災延燒龍舟是時讒言任用道士道消和孝徵作歌謠斛律明月以誅死讒夫昌邪勝正之應也京房易傳曰君不思道厥妖火燒宮

開皇十四年將祠泰山令使者致石像神祠之所未至數里野火歛起燒像碎如小塊時帝頗信讒言猜阻骨肉滕王瓚失志而死創業功臣多被夷滅故天見變而帝不悟其後太子勇竟被廢戮

大業十二年顯陽門災舊名廣陽則帝之姓名也國門之崇顯號令之所由出也時帝不遵法度驕奢荒怠悲恭蘊虞世基之徒阿諛順旨掩塞聰明宇文述以讒邪顯進忠諫

者咸彼誅戮天戒若曰信讒害忠則除廣陽也

洪範五行傳曰水者北方之藏氣至陰也宗廟者祭祀之

象也故天子親耕以供粢盛王后親蠶以供祭服敬之至

也發號施令十二月咸得其氣則水氣順如人君簡宗廟

不禱祀逆天時則水不潤下

梁天監二年六月大末信安安豐三縣大水春秋考異郵

曰陰盛臣逆人悲則水出河決是時江州刺史陳伯之益

州刺史劉季連舉兵反叛師旅數興百姓愁怨臣逆人悲

之應也

六年八月建康大水濤上御道七尺七年五月建康又大水

是時數興師旅以拒魏軍十二年四月建康大水是時

發卒築浮山堰以遏淮水勞役連年百姓悲怨之應也

中大通五年五月建康大水御道通卮京房易飛候曰

水至國賤人將貴蕭棟侯景僭稱尊號之應也

後齊河清二年十二月兖趙魏三州大水天統三年并州

汾水溢讖曰水者純陰之精陰氣洋溢者小人專制是時

和士開元文遙趙彥深專任之應也

武平六年八月山東諸州大水房易飛候曰小人踊躍

無所畏忌陰不制陽則清水出是時羣小用事邪佞滿

朝閭豎孽肆於王此其所以應也

公義羊... 卷八... 卷一

開皇十八年河南八山大水是時強孫皇后干預政事濫殺宮人放黜宰相楊素處重元陰氣臣妾盛強之應也

仁壽二年河南河北諸州大水京房易傳曰顓事有智誅罰絕理則厥災水亦由帝用刑嚴急臣下有小過帝或親臨斬決文先是柱國史萬歲以忤旨被戮誅罰絕理之應也

也

大業三年河南大水漂沒三十餘郡帝嗣位已來未親郊

廟之禮簡宗廟廢祭祀之應也

洪範五行傳曰土者中央為內事宮室臺榭夫婦親屬也

古者自天子至于士宮室寢居大小有差高卑異等骨肉

有恩故明王賢君脩宮室之制謹夫婦之別加親戚之用心

敬父兄之禮則中氣和人君肆心縱意大為宮室高為臺

榭雕文刻鏤以疲人力淫泆無別妻妾過度犯親戚侮父

兄中氣亂則稼穡不成

齊後主武平四年山東饑是時大興土木之功於仙都苑

又起宮於邯鄲窮侈極麗後宮侍御千餘人皆寶衣玉食

逆中氣之咎也

煬帝大業五年燕伐齊魯諸郡饑先是建立東都制度崇

侈又宗室諸王多遠徙邊郡

洪範五行傳曰貌之不恭是謂不肅則下不敬陰氣勝故

厥咎狂厥罰常雨厥極惡時則有服妖時則有龜孽有雞
禍有下體生上體之痾有青青梓惟金亦木
貌不恭

侯景僭即尊號升圓立行不能正履有識者知其不免景
尋敗

梁元帝既平侯景破蕭紀而有驕矜之色性又沉猜由是
臣下離貳即位三年而為西魏所陷帝竟不得其死

陳後主每祀郊廟必稱疾不行建寧令章華上奏諫曰拜
三妃以臨軒祀宗廟而稱疾非祗肅之道後主怒而斬之
又引江總孔範等內宴無復尊卑之序號為狎客專以詩

酒為娛不恤國政祕書監傅縡上書諫曰人君者恭事上
帝子愛下人省嗜慾遠邪佞未明求衣日旰忘食是以澤
被區宇慶流子孫陛下頃來酒色過度不虔郊廟大神專
媚淫昏之鬼小人在側宦豎擅權惡誠直如仇讎視時人
如草芥後宮曳羅綺廐馬餘菽粟百姓流離轉屍蔽野神
怒人怨衆叛親離臣恐東南王氣自斯而盡後主不聽驕
恣日甚未幾而國滅

陳司空侯安都自以有安社稷之功驕矜日甚每侍宴
酒酣輒箕踞而坐嘗謂文帝曰何如作臨川王時又借華
林園水殿與妻妾賓客置酒於其上帝甚惡之後竟誅死

○東魏武定五年後齊文襄帝時為世子屬神武帝崩秘不發喪朝魏帝於鄴魏帝宴之文襄起僂及嗣位又朝魏帝於鄴侍宴而情有識者知文襄之不免後果為盜所害○神武時司徒高昂嘗詣相府將直入門門者正之昂怒引弓射門者神武不之罪尋為西魏所殺

後齊後主為周師所迫至鄴集兵斛律孝卿勸後主親勞將士且流涕慷慨以感激之人當自奮孝卿授之以辭後主然之及對眾嘿無所言因赧然大笑左右皆哂將士怒曰身尚如此吾輩何急由是皆無戰心俄為周師所虜煬帝自負才學每驕天下之士嘗謂侍臣曰天下當謂朕

承藉餘緒而有四海耶設令朕與士大夫高選亦當為天子矣謂當世之賢皆所不逮書云謂人莫已若者士帝自矜已以輕天下能不亡乎帝又言晉吳音其後竟終於江都此亦魯襄公終於楚宮之類也

常雨水

梁天監七年七月雨至十月乃霽洪範五行傳曰陰氣強積然後生水雨之災時武帝頻年興師是歲又大舉北伐諸軍頗捷而士卒罷弊百姓怨望陰氣畜積之應也

陳太建十二年八月大雨霖霖時始興王叔陵驕恣陰氣盛強之應也明年宣帝崩後主立叔陵刺後主於喪次宮

人救之僅而獲免叔陵出閣就東府作亂後主令蕭摩訶破之死者千數

東魏武定五年秋大雨七十餘日元瑾劉思逸謀亂諸王各擁強兵外有赴援之名內無勤王之實委棄君父自相屠滅國竟以亡

東魏興和二年五月大雪時後齊神武作宰發卒十餘萬築鄴城百姓怨思之徵也

武定四年二月大雪人畜凍死道路相望時後齊霸政而步落稽舉兵反寇亂數州人多死亡

後齊河清二年二月大雪連雨南北千餘里平地數尺繁霜書下是時突厥木杆可汗與周師入并州殺掠吏人不可勝紀

天統二年十一月大雪三年正月又大雪平地二尺武平三年正月又大雪是時馮淑妃陸令萱內制朝政陰氣盛積故天變屢見雷雨不時

陳太建元年七月大雨震萬安陵華表文震慧日寺剎尾官寺重閣門下一女子震死京房易飛候曰雷雨霹靂丘

陵者逆先人令為火殺人者人君用讒言殺正人時蔡景歷以奸邪任用右僕射陸繕以讒毀獲譴發病而死

十年三月震武庫時帝好兵頻年北伐內外虛竭將士勞

卷之三十三

弊既克淮南又進圖彭汴毛喜切諫不納由是呂明徹諸
軍皆沒遂失淮南之地武庫者兵器之所聚也而震之天
戒若曰宜戢兵以安百姓帝不悟又大興軍旅其年六月
又震太皇寺刹莊嚴寺露樂重陽閣東樓鴻臚府門太皇
莊嚴二寺陳國奉佛之所重陽閣每所遊宴鴻臚賓客禮
儀之所在而同歲震者天戒若曰國威已喪不務脩德後
必有恃佛道耽宴樂棄禮儀而亡國者陳之君臣竟不悟
至梁主之代災異屢起懼而於太皇寺捨身為奴以祈冥
助不恤國政耽酒色棄禮法不脩鄰好以取敗亡

齊武平元年夏夏旱及相段孝先南門樓京房易傳曰震擊

貴臣門及屋者不出三年佞臣被誅後歲和士開被戮

木冰

東魏武定四年冬天雨木冰共範五行傳曰陰之盛而凝

滯也木者少陽貴臣象也將有害則陰氣脅木木先寒故

得雨而冰襲之木冰一名介介者兵之象也時司徒侯景

制河南及神武不豫文襄懼其為亂而徵之景因舉兵反

豫州刺史高元成襄州刺史李密廣州刺史暴顯並為景

所執辱貴臣有害之應也其後左僕射慕容紹宗與景戰

於渦陽俘斬五萬

後齊天保二年雨木冰三月初清河王岳為高歸彥所譖

是歲以憂死

武平元年冬雨木冰明年二月又木冰時錄尚書事和士
開專政其年七月太保琅邪王儼矯詔殺之領軍大將軍
庫狄伏連尚書右僕射馮季琮並坐儼賜死九月儼亦遇
害。六年七年頻歲春冬木冰其年周師入晉陽因平鄴
都後主走青州貴臣死散州郡被兵者不可勝數

大雨雹

梁中大通元年四月大雨雹連日五行傳曰雹陰脅陽之
象也時帝數捨身為奴拘信佛法為沙門所制

陳大建二年六月大雨雹十年四月又大雨雹十三年九

月又兩雹時始興王叔陵驕恣陰結死士圖為不逞帝大
寵遇之故天三見變帝不悟及帝崩叔陵果為亂逆
服妖

後齊皇后臥疾寢衣無故自舉俄而后崩

文宣帝末年衣錦綺傳粉黛數為胡服微行市里粉黛者
婦人之飾陽為陰事君變為臣之象也及帝崩太子嗣位
被廢為濟南王又齊氏出自陰山胡服者將反初服也錦
練非帝王之法服微服者布衣之事齊亡之効也

後主好令宮人以白越布折額狀如髮幘又為白蓋此二
者喪禍之服也後主果為周武帝所滅父子同時被害

武平時後主於苑內作貧兒村親衣縑縷之服而行乞其
間以為笑樂多令人服烏衣以相執縛後主果為周所敗
被虜於長安而死妃后窮困至以賣燭為業

後周大象元年服冕二十有四旒車服旗鼓皆以二十四
為節侍衛之官服五色雜以紅紫令天下車以大木為輪
不施輻朝士不得佩綬婦人墨粧黃眉又造下帳如迭終
之具令五皇后各居其一實宗廟祭器於前帝親讀版而
祭之又將五輅載婦人身率左右步從又倒懸鷄及碎尾
於車上觀其作聲以為笑樂皆服妖也帝尋暴崩而政由
於隋周之法度皆悉改易

開皇中庫陵王勇之在東宮及宜陽公王世積多婦人所
服領巾製同槃帷軍幟婦人為陰臣象也而服兵幟臣有
五禍之應矣勇竟而過害世積坐伏誅

雞禍

開皇中有人上書言類歲已及雞陽不鼓翅類腋下物
而妨之翮不得舉肘腋之臣當為變矣書奏不省京房易
飛候曰雞鳴不鼓翅國有大害其後大臣多被夷滅諸王
廢黜太子幽廢

大業初天下雞多夜鳴京房易飛候曰雞夜鳴急令文云
昏而鳴百姓有事人定鳴多戰夜半鳴流血漫漫及中年

已後軍國多務用度不足於是急令暴賦責成守宰百姓
不聊生矣各起而為盜戰爭不息屍骸被野

龜辭十一

開皇中坡庭宮每夜有人來挑宮人宮司以聞帝曰門衛
甚嚴人何從而入當是妖精耳因戒宮人曰若逢但斫之
其後有物如人夜來登牀宮人抽刀斫之若中枯骨其物
落牀而走宮人逐之因入池而沒明日帝令涸池得一龜
徑尺餘其上有迹殺之遂絕龜者泉居而靈陰謀之泉晉
王諂媚宮掖求嗣之應云

青首青祥

自茲始也乘輿鹿皮弁服緋大襦白羅裙金烏皮履華帶
小綬長二尺六寸色同大綬而半之間施二玉環白玉
佩一隻視朝聽訟則服之凡弁服自天子已下內外九品
已上弁皆以烏為質並衣袴褶五品已上以紫六品已下
以絳宿衛及在仗內加兩襠騰蛇絳構衣連裳典謁贊引
濟州冗吏通服之以纓後制鹿皮弁以賜近臣

帽古野人之服也董巴云上古穴居野處衣毛帽皮以此
而言不施衣冠明矣案宋齊之間天子宜著白高帽士
庶以為其制不定或有卷荷或有下裙或有紗高屋或有
烏紗長耳後周之時咸著突騎帽如今胡帽垂裙覆帶蓋

索髮之遺象也又文帝項有瘤疾不欲人見每常著烏相
魏之時著而謁帝故後周一代將為雅服小朝公宴咸許
戴之開皇初高祖常著烏紗帽自朝貴已下至于冗吏通
著入朝今復制白紗高屋帽其服練裙襦烏皮履宴復實
客則服之

晉怡柔傳子魏太祖以天下凶荒恣財之匱擬古皮弁裁
以為之蓋自魏始也梁今天子為朝臣等舉哀則服
之亦准此其服白紗單衣承以裙襦烏皮履舉哀臨喪
則服之

後周建德六年青城門無故自崩青者東方色春宮之象
也時皇太子無威儀禮節青城門無故自崩者皇太子不
勝任之應帝不悟明年太子嗣位果為無道周室危亡實
自此始

大業中齊王暕於東都起第新構寢堂其楹無故而折時
上無太子天下皆以暕次當立公卿屬望暕遂驕恣呼術
者令相又為厭勝之事堂楹無故自折木失其性奸謀之
應也天見變以戒之暕不悟後竟得罪於帝

洪範五行傳曰言之不從是謂不乂厥外僭厥罰常陽厥
極憂時則有詩妖時則有毛蟲之孽時則有大禍故有口

素髮之遺象也又文帝項有瘤疾不欲人見每常著烏相
魏之時著而謁帝故後周一代將為雅服小朝公宴咸許
戴之開皇初高祖常著烏紗帽自朝貴已下至于冗吏通
著入朝今復制白紗高屋帽其服練裙襦烏皮履宴饗賓
客則服之

白怡柔傅子魏太祖以天下凶荒恣財之匱擬古皮弁裁
練帛以為之蓋自魏始也梁今天子為朝臣等舉哀則服
之注此其服白紗單衣承以裙襦烏皮履舉哀臨喪
高齊書云起於秦人施於武將初為絳袖以表貴賤焉

後周建德六年青城門無故自崩青者東方色春宮之象
也時皇太子無威儀禮節青城門無故自崩者皇太子不
勝任之應帝不悟明年太子嗣位果為無道周室危亡實
自此始

大業中齊王暕於東都起第新構寢堂其楹無故而折時
上無太子天下皆以暕次當立公卿屬望暕遂驕恣呼術
者令相又為厭勝之事堂楹無故自折木失其性奸謀之
應也天見變以戒之暕不悟後竟得罪於帝

洪範五行傳曰言之不從是謂不乂厥外僭厥罰常陽厥
極憂時則有詩妖時則有毛蟲之孽時則有大禍故有口

舌之痾有白青白祥惟木沴金

言不從

梁武陵王紀僭即帝位建元曰天正永豐侯蕭綸曰三不克矣昔相元年號大亨有識者以爲二月了而玄之敗實在仲春今日天正正之爲文一止其能以乎累一年而敗

後齊文宣帝時太子殷當冠詔令邢子才爲制字子才字之曰正道帝曰正一止也吾兒其賢乎子才請改帝不許

曰天也因顧謂常山王演曰奪時任汝慎無殺也及帝崩太子嗣位常山果廢之而自立殷尋見害武成帝時左

僕射和士開言於帝曰自古帝王盡爲灰土堯舜桀紂亦何異陛下且及少壯恣意歡樂一日可以當千年無爲

自勤約也帝悅其言彌加淫侈士開既導帝以非道身又擅權竟爲御史中丞所殺武平中陳人寇彭城後主發

遣使懼侍中韓長鸞進曰汝失河南猶得爲龜茲國子淮南今沒何足多慮人生幾何時但爲樂不須憂也帝甚悅

遂耽荒酒色不以天下爲虞夫幾爲周所滅武平七年後主爲周師所敗走至鄴自稱太上皇傳位於

太子恒改元隆化時人離合其字曰降死竟降周而死周武帝改元爲宣政梁主蕭巋離合其字爲宇文吉其

年六月帝崩

舌之病有白青白祥惟木沴金
言不從

梁武陵王紀僭即帝位建元曰天正永豐侯蕭綸曰三不
克矣昔相元年號大亨有識者以為二月了而玄之敗實
在仲春今日天正正之為文一止其能以乎累一年而敗
後齊文宣帝時太子殷當冠詔令邢子才為制字子才字
之曰正道帝曰正一止也吾兒其賢乎子才請改帝不許
曰天也因顧謂常山王演曰奪時任汝慎無殺也及帝崩
太子嗣位常山果廢之而自立殷尋見害武成帝時左
僕射和士開言於帝曰自古帝王盡為灰土堯舜桀紂竟

亦何異陛下且及少壯恣意歡樂一日可以當千年無為
自勤約也帝悅且言彌加浩侈士開既導帝以非道身又
擅權竟為御史中丞所殺武平中陳人寇彭城後主發

言憂懼侍中韓長鸞進曰漢失河南猶得為龜茲國子淮
南今沒何足多慮夫人生幾何時儂為樂不須憂也帝甚悅
遂耽荒酒色不以天下為虞夫幾為周所滅

武平七年後主為周師所敗走至鄴自稱太上皇傳位
太子恒改元隆化時人離合其象曰降死竟降周而死
周武帝改元為宣政梁主蕭巋離合其象為字文正音其
年六月帝崩

宣帝在東宮時不脩法度武帝數撻之及嗣位換其痕跡
大罵曰死晚也年又改元為大象蕭歸又離合其字曰天
子冢明年而帝崩

開皇初梁王蕭琮改元為廣運江陵父老相謂曰運之為
字軍走也吾君當為軍所走乎其後琮朝京師而被拘留
不反其叔父巖掠居人以叛梁國遂廢

文帝名皇太子曰勇晉書吳泰至曰俊蜀王曰秀開皇初
有人上書曰勇者盡夫之用又年人少秀為憐萬人之秀
為俊斯乃布衣之美稱非帝王之嘉名也帝不嘗時人呼
楊姓多為羸者或書於上曰楊英及為羸缺帝聞而不擇

楊氏之缺

煬帝即位號年曰大業誠者惡之曰於字離合為大者者
也尋而天下喪亂率十遺一矣

常從容謂秘書郎虞世南曰我性不欲人諫若位望
通顯而來諫我以求當世之名者諫所不耐至於卑賤之
士雖少寬假然卒不置之於地汝其知之時議者以為古
先哲王之馭天下也明曰目達四聰聽敢諫之或立書謗

之木以開言者之路猶恐忠言之不至由是濬敷四海慶
流子孫而帝惡直言辭諫士其能久乎竟逢殺逆

旱

梁天監元年大旱米斗五十人多餓死洪範五行傳曰若持元陽之節與師勦眾勞人過度以起城邑不顧百姓臣下悲慈然而心不能從故結即氣盛而失度陰氣沆而不附陽氣盛旱災應也初帝起平定襄陽被秦冲敗陳伯之及平建康前後連戰百姓受毒節節後復與魏交兵不止之應也

陳太建十二年春不雨至五月先是周師掠淮北始興王叔陵等諸軍敗績淮北之地皆沒於周蓋其應也

東魏天平四年并肆汾建至絳秦陝等諸州大旱人饑

散是歲齊神武與西魏戰於沙苑死者數萬

東魏武定二年冬春旱先是西魏師入洛陽神武親帥軍

大戰於正山死者數萬

後齊天保九年夏大旱先是大發卒築長城四百餘里勞

役之應也

明元年春旱先是發卒數十萬築金鳳聖應崇光三臺

窮極侈麗不恤百姓元陽之應也

河清二年四月并晉已西五州旱是歲發卒築軹關突厥

二十萬衆毀長城寇恒州

後主天統二年春旱是時大發卒起大明宮

開皇四年已後京師頻旱時遷都龍首建立宮室百姓
弊亢陽之應也

大業四年燕代緣邊諸郡旱時發卒百餘萬築長城帝親
巡塞表百姓失業道殣相望

八年天下旱百姓流亡時發四海兵帝親征高麗六軍凍
餓死者十八九

十三年天下大旱時郡縣鄉邑悉遣築城發男女無少長
皆就役

詩妖

梁天監三年六月八日武帝崩於重雲殿沙門誌公忽然

起儻歌樂須臾悲泣因賦五言詩曰樂哉三十餘悲哉五
十裏但看八十三子地妖災起佞臣作欺妄賊臣滅君子
若不信吾語龍時侯賊起且至馬中間街悲不見喜梁自
天監至于大同三十餘年江表無事至太清二年臺城陷
帝享國四十八年所言五十裏也太清元年八月十三而
侯景自懸瓠來降在丹陽之北子地帝惑朱异之言以納
景景之作亂始自戊辰之歲至辛午年帝薨崩十年四月八
日誌公於大會中又作詩曰兀尾狗子始著狂欲死不死
鬻人傷須臾之間自滅亡患在汝陰死三湘橫尸一日無
人藏侯景小字狗子初自懸瓠來降懸瓠則古之汝南也

巴陵南有地名三湘即景奔敗之所

天監中茅山隱士陶弘景爲五言詩曰夷甫任散誕平叔坐談空不言昭陽殿忽作單于宮及大同之季公卿唯以談玄爲務夷甫平叔朝賢也侯景作亂逸居昭陽殿

大同中童謠曰青絲白馬壽陽來其後侯景破丹陽乘白馬以青絲爲羈勒陳初有童謠曰黃班青驄馬發自壽陽侯來時之氣未去日春風始其後陳主果爲韓擒所敗擒本名擒獸黃班之謂也破建康之始復乘青驄馬往反時節皆相應

陳時江南盛歌王獻之桃葉之詞曰桃葉復桃葉度江不用檝但度無所苦我自迎接汝晉王伐陳之始置營於桃葉山下及韓擒度江大將任蠻奴至新林以導北軍之應一陳後主造齊雲觀國人歌之曰齊雲觀危來無際畔功未畢而爲隋師所虜

禎明初後主作新歌詞甚哀然令後宮美人習而歌之其辭曰王樹後庭花花開不復久時人以歌識此其不久兆也。齊神武始移都于鄴時有童謠云可憐青雀子飛入鄴城裏作窠猶未成舉頭失鄉里寄書與婦母好看新婦子魏孝靜帝者清河王之子也后則神武之女鄴都宮室未備即逢禪代作窠未成之効也孝靜尋崩文宣以后爲

太原長公主降於楊愔時婁后尚在故言寄書於婦母新婦子斥后也

武定中有童謠云百尺高竿摧折水成燃澄澄滅高臺齊姓也澄文襄名五年神武崩摧折之應七年文襄遇盜所害澄滅之徵也

天保中陸夔和入國書其屋壁曰十年天子為尚可百日天子急如火周年天子迭代坐時文宣帝其國十年而崩廢帝嗣立百餘日用管厥位孝昭即位一年而崩此其效也。武平元年童謠曰狐截尾你欲除我我除你其年四月隴東王胡長仁謀遣刺客殺和士開事露返為士開所

請死。二年童謠曰和士開七月三十日將你向南面小兒唱訖一時拍手云殺却至七月二十五日御史中丞裴邪王嚴執士開送於南臺而斬之是歲又有童謠曰七月刈禾傷草九月喫餅正好十月洗蕩飯尾十一月出却趙老七月士開被誅九月琅邪王遇害十一月趙彥深出為西兗州刺史

武平末童謠曰黃花勢欲落清樽但蒲酌時穆后母之淫僻于預朝政時人患之穆后少字黃花尋逢齊亡欲落之應也

鄴中文有童謠曰金作掃帚玉作把淨掃殿屋迎西家未

幾周師入鄴

日同安書

周初有童謠曰白楊樹頭金雞鳴祇有阿舅無外甥靜帝
隋氏之甥既遜位而崩諸舅強盛

周宣帝與宮人夜中連臂蹋踑而歌曰自知身命促把燭
夜行遊帝即位二年而崩

開皇十年高祖幸并州宴秦孝王及王子相帝為四言詩

曰紅顏詐幾玉貌須臾一朝花落白髮難除明年後歲誰

有誰無明年而子相卒十八年而秦孝王薨

大業十一年煬帝自京師如東都至長樂宮飲酒大醉因

賦五言詩云幸章曰徒有歸飛心無復因風力今若人母

三吟詠帝泣下露襟侍御者莫不欷歔帝因幸江都

五言詩曰求歸不得去真成遭箇春鳥聲爭勸酒梅花笑

殺人帝以三月被弑即遭春之應也是年盜賊蜂起道路

隔絕帝懼遂無還心帝復夢二豎子歌曰佳亦死去亦死

未若乘船度江水由是築居丹楊將居焉功未就而帝被

殺。大業中童謠曰桃李子鴻鵠遶陽山宛轉花林裏莫

浪語誰道許其後李密坐楊玄感之逆為吏所拘在路逃

叛潛結羣盜自陽城山而來襲破洛口倉後復屯兵苑內

莫浪語密也字文化及自號許國尋亦破滅誰道許者蓋

驚疑之辭也

卷之七

隋書

七

毛蟲之孽

梁武帝中大同元年邵陵王綸在南徐州卧内方書有狸鬪於欄上墮而獲之太清中遇侯景之亂將兵援臺城至鍾山有蠶熊無何至葛齒論所乘為毛蟲之孽也綸尋為王僧辯所敗亡至南陽為西魏所殺

中大同中每夜狐鳴闕下數年乃止京房易飛侯曰野獸羣鳴邑中且空虛俄而國亂丹楊死喪略盡

陳禎明初狐入牀下捕之不獲京房易飛侯曰狐入君室室不居未幾而國滅

東魏武定三年九月豹入鄴城南門格殺之五年八月豹

又上銅爵臺京房易飛侯曰野獸入邑及至朝廷若道正官府門有大害君亡是歲東魏師敗於玉璧神武遇疾崩後齊武平二年有兔出廟社之中京房易飛侯曰兔入王室其君亡案廟者祖宗之神室也後五歲周師入鄴後主東奔。武平末并肆諸州多狼而食人洪範五行傳曰狼貪暴之獸大獸以白色為主兵之表也又似犬近犬禍也京房易傳曰君將無道害將及人去之深山以全身厥妖狼食人時帝任用小人競為貪暴殘賊人物食人之應尋為周軍所滅兵之象也

武平中朔州府門外無何有小兒腳跡又擁土為城雉之

狀時人恠而察之乃狐媚所為漸流至并鄴與武定三年同占是歲南安王思好起兵於北朔直指并州為官軍所敗鄭子饒羊法高尋復亂山東

犬禍

後齊天保四年鄴中及頓丘並有大與女子交洪範五行傳曰異類不當交而交諱亂之氣犬交人為犬禍犬禍者尤陽失眾之應也時帝不恤國政恩澤不流於其國

後主時犬為開府儀同三司有夫人郡君之號給兵以奉養食以梁肉藉以茵蓐天奪其心爵加於犬近犬禍也天意若曰卿士皆類犬後主不悟遂以取滅

後周保定三年有大生子青已後分為兩

二尾六足犬

猛畜而有瓜牙將士之象也時宇文護與

伏龍恩

有謀懷貳大體後分此其應也

大業元年馮門百姓間大多去其王羣聚狼而噉噬行人數年而止五行傳曰犬守御

形頓變如

其主臣不下附之象形變如狼狼色白為二

之應也其

後帝窮兵黷武勞役不息天戒若曰無為

守禦之臣

將叛而為害帝不悟遂起長城之役續有

遼東之舉

天下怨叛及江都之變並宿衛之臣也

白青白祥

堯寧
梁大同二年地生白毛長二尺近白祥也孫盛以爲勞人之異先是大發卒築浮山堰功費鉅億功垂就而復潰者數矣百姓厭役吁嗟滿道

齊河清元年九月滄洲及長城之下地多生毛或白或黑長四五寸近白祥也時北築長城內興三臺人苦勞役開皇六年七月京師雨毛如髮尾長者三尺餘短者六七寸京房易飛候曰天雨毛其國大飢是時關中旱米粟涌貴。後齊天統初岱山封禪壇玉璧自出近白祥也岱山王者易姓告代之所玉璧所用幣而自出將有易姓者用幣之象其後齊亡地入于周及高祖受周禪天下一統焚

柴太山告祠之應也

武平三年白水巖下青石壁傍有文曰齊亡走人改之爲上延後主以爲嘉瑞百寮車賀後周師入國後主果棄鄴而走

開皇十七年石隕於武安滏陽間十餘洪範五行傳曰石自高隕者君將有危殆也後七載帝崩

開皇末高祖於宮中埋二小石於地以誌置牀之所未幾變爲玉劉向曰王者至貴也賤將爲貴之象及大業末盜皆僭名號

大業十三年西平郡有石文曰天子立千年百寮稱賀有

識者尤之曰千年萬歲者身後之意也今稱立千年者禍
在非遠明年而帝被殺

木沱金

梁大同十二年曲何建陵隧口石麒麟動木沱金也動者
遷移之象天戒若曰園陵無主石麟將為人所徙也後竟
國亡

後齊河清四年殿上石自起兩兩相擊陸孟以為石陰類
下人象殿上石自起者左右親人離叛之應及周師東伐
寵臣尉相願乞扶貴和兄弟韓建業之徒皆叛入周西一
梁大同十二年正月送辟邪二千建陵左角者至陵所

右獨角者將引於車上振躍者三車兩轅俱折因換車未
至陵二里又躍者三每一振則車側人莫不登奮去地三
四尺車輪陷入土三寸木沱金也劉向曰失衆心令不行
言不從以亂金氣也石為陰臣象也臣將為變之應梁武
暮年不以政事為意君臣唯講佛經談玄而已朝綱紊亂
令不行言不從之咎也其後果致侯景之亂

周建德元年淮陽郡有石像郡官令載向府將刮取金在
道自躍投地如此者再乃以大繩縛著車壁又絕繩而下
時帝既滅齊又事淮南征伐不息百姓疲弊失衆心之應
也

志第十七卷附錄三十二

三十二

志第十七

五行上

隋書三十二



